



UNIVERSITI  
PENDIDIKAN  
SULTAN IDRIS  
اوتريسي تي قنديدين سلطان ادريس

SULTAN IDRIS EDUCATION UNIVERSITY

UNIVERSITI PENDIDIKAN SULTAN IDRIS

35900 Tanjong Malim  
Perak Darul Ridzuan, Malaysia

Tel : 05-4506444

Faks : 05-4595429

<http://pendaftar.upsi.edu.my>

E-mail : [pendaftar@upsi.edu.my](mailto:pendaftar@upsi.edu.my)

Pejabat Pendaftar

Rujukan Tuan :  
Rujukan Kami : UPSI/PEND/BG1/600.7 (51)  
Tarikh : 3 OGOS 2017/10 ZULKAEDAH 143



### SENARAI EDARAN SEPERTI DI LAMPIRAN

Y.Bhg Prof. Dato'/Dato'/Prof/Tuan/Puan,

### IKLAN JAWATAN TIMBALAN NAIB CANSELOR (AKADEMIK DAN ANTARABANGSA) UNIVERSITI PENDIDIKAN SULTAN IDRIS (UPSI)

Dengan hormatnya dan sukacitanya dimaklumkan bahawa Universiti Pendidikan Sultan Idris (UPSI) mempelawa staf akademik yang berkelayakan di organisasi Y.Bhg Prof. Dato'/Dato'/Prof/Tuan/Puan untuk mengisi jawatan Timbalan Naib Canselor (Akademik dan Antarabangsa) di universiti ini.

2. Sehubungan itu, bersama-sama ini dilampirkan iklan berhubung jawatan ini untuk dihebahkan kepada staf akademik di organisasi Y.Bhg Prof. Dato'/Dato'/Prof/Tuan/Puan. Tarikh tutup permohonan adalah pada **25 Ogos 2017 (Jumaat)**. Permohonan yang lengkap hendaklah dikemukakan kepada :

**Pendaftar**  
Universiti Pendidikan Sultan Idris  
35900 Tanjong Malim  
Perak Darul Ridzuan

3. Kerjasama Y.Bhg Prof. Dato'/Dato'/Prof/Tuan/Puan dalam perkara ini amatlah dihargai dan didahului dengan ucapan terima kasih.

Sekian.

**"KOMITED MEMBAWA PERUBAHAN DALAM PENDIDIKAN"**

Saya Yang Menjalankan Tugas,

*Me. Faiz Othman*

**(MOHD FAIZI BIN OTHMAN)**  
Pendaftar

s.k

Y.Bhg Dato' Naib Canselor UPSI



**IKLAN JAWATAN  
TIMBALAN NAIB CANSOLOR (AKADEMIK DAN ANTARABANGSA)  
UNIVERSITI PENDIDIKAN SULTAN IDRIS**

Permohonan adalah dipelawa kepada staf akademik Universiti Awam (UA) untuk mengisi jawatan Timbalan Naib Canselor (Akademik dan Antarabangsa). Maklumat jawatan tersebut adalah seperti berikut :

1. **Jawatan** : Timbalan Naib Canselor (Akademik dan Antarabangsa)
2. **Gred** : Gred Utama B (VU6)
3. **Jadual Gaji (Min – Mak)** : RM8,315.00 hingga RM22,445.00
4. **Taraf Lantikan** : Tukar Sementara/Pinjaman/Kontrak
5. **Tempoh Lantikan** : Tiga (3) tahun (tertakluk kepada keputusan Kementerian Pendidikan Tinggi)
6. **Kelayakan** : Sekurang-kurangnya telah memegang jawatan Profesor dengan kelayakan Ijazah Doktor Falsafah (Ph.D) atau setaraf serta berkebolehan memimpin dan mengurus Pusat Pengajian/Fakulti/Jabatan.

**7. Kriteria Umum**

Kriteria umum berdasarkan Garis Panduan dan Kriteria Pemilihan Timbalan Naib Canselor IPTA adalah seperti berikut:

**7.1 Kecemerlangan Akademik**

Penyandang mestilah mempunyai kelayakan Ph.D, mendapat *command of respect* dari kalangan rakan sejawat, mempunyai rekod cemerlang dalam penyelidikan, penerbitan jurnal berwasit antarabangsa, inovasi dalam pengajaran dan cemerlang dalam khidmat profesional.

**7.2 Pengiktirafan Antarabangsa**

Penyandang mestilah diiktiraf oleh *peers* antarabangsa sebagai pakar dalam bidangnya, mempunyai jaringan antarabangsa yang kukuh, pernah menerima pelbagai anugerah dan pengiktirafan dari organisasi terkemuka luar Negara.

### **7.3 Kebolehan Memimpin dan Mengurus**

Penyandang mestilah mempunyai *people skills* yang boleh meneraju transformasi, mempunyai gagasan, visi dan misi serta mampu menggerakkan komuniti kampus ke arah budaya kecemerlangan akademik. Ditambah dengan kemahiran komunikasi dan *interpersonal* yang mantap. Pengalaman dari rekod cemerlang pimpinan akademik merupakan antara ciri utama dalam menentukan kebolehmampuan calon.

### **7.4 Reputasi**

Menjadi *role model* kepada semua peringkat staf, mempunyai pengalaman dan *proven track record* serta disanjung baik serta dihormati oleh masyarakat kampus dan luar.

### **7.5 Personaliti**

Penyandang mestilah seorang yang berwibawa, berkarisma, bersahsiah tinggi, *team player*, serta mempunyai motivasi dalaman untuk memacu kecemerlangan Universiti. Calon juga mestilah memahami aspirasi Negara untuk membangunkan modal insan bermentaliti kelas pertama.

### **7.6 Proaktif**

Mempunyai pemikiran dan sikap yang proaktif serta mampu mengurus kepelbagaian dalam apa jua situasi;

### **7.7 Perwatakan**

Mempunyai perwatakan yang dinamik serta bertanggungjawab dan komited kepada tugas dan tanggungjawab berdasarkan nilai-nilai murni masyarakat dan negara;

### **7.8 Pengurusan Konflik**

Berkeupayaan mengenalpasti konflik dan menguruskannya dengan baik dan berhemah; dan

### **7.9 Potensi**

Mempunyai potensi untuk menyumbang secara berkesan terhadap pembangunan Universiti dan Pendidikan Tinggi Negara secara keseluruhan.

## **8. Kriteria Khusus**

Kriteria khusus jawatan Timbalan Naib Canselor (Akademik dan Antarabangsa) adalah berdasarkan Garis Panduan dan Kriteria Pemilihan Timbalan Naib Canselor IPTA seperti berikut:

### **8.1 Mempunyai PhD dan kelayakan profesional**

Ini kerana penjawat bertanggungjawab menguruskan Jawatankuasa Pemilih kenaikan pangkat Guru (Profesor Madya ke bawah) dan perlu mempamerkan kewibawaan khususnya kelayakan akademik tertinggi PhD. Bagi universiti yang berfokus seperti kejuruteraan, Malaysian Technical Universities' Network (MTUN), kelayakan profesional perlu diberi merit utama memandangkan proses akreditasi adalah salah satu bidang tugas seorang TNC (A&A)

### **8.2 Berpengalaman Dalam Pembentukan Kurikulum (Curriculum Design)**

Ini merupakan tugas hakiki TNC (A&A). Penyandang bertanggungjawab dalam agenda kritikal Pengajaran Pembelajaran dan mestilah mahir mengendalikan kurikulum yang seimbang dan bersepadu. Penyandang juga merupakan sekretariat dan pihak berwajib kepada Senat yang diberi kuasa yang lebih dalam AUKU dalam rekabentuk kurikulum universiti.

### **8.3 Pakar Pengajaran dan Pembelajaran**

TNC (A&A) juga adalah seorang yang wajib dihormati dan mempamerkan kewibawaan dalam inovasi pengajaran dan pembelajaran (Teaching and Learning). Penyandang perlu mempunyai pengetahuan yang mendalam mengenai aspek-aspek berikut iaitu Pembelajaran Berpusatkan Pelajar (SCL), Pembelajaran Berasaskan Masalah (PBL), Pendekatan Berasaskan Projek Berorientasikan Masalah (POPBL), Pembelajaran Sepanjang Hayat (LL), Penaksiran dan *Outcome Based Education*.

### **8.4 Kecemerlangan Penyelidikan dan Penerbitan**

Penyandang mestilah mempunyai rekod yang cemerlang dalam hasil penyelidikan dan penerbitan serta dilantik sebagai Profesor. Ini kerana sebagai Pengerusi Jawatankuasa Pemilih Guru, penyandang bertanggungjawab menentukan tanda aras calon Profesor Madya. Oleh itu, penyandang hendaklah cemerlang dalam penyelidikan, telah menerbitkan artikel dalam jurnal berwasit, berimpak tinggi serta mendapat pengiktirafan antarabangsa.

### **8.5 Pengalaman Sebagai Penyelia Yang Berjaya**

Penyandang juga perlu mempunyai rekod cemerlang dalam penyeliaan pasca siswazah (Sarjana & PhD) dengan jayanya. Ini kerana TNC (A&A) bertanggungjawab dalam menguruskan Jawatankuasa Senat bagi pengajian siswazah dan menjadi penimbang tara bagi isu-isu akademik pengajian siswazah.

## 8.6 Hal Ehwal Antarabangsa

Penyandang akan ditugaskan untuk mempromosikan program akademik dan mobiliti pelajar di peringkat antarabangsa. Oleh itu, pengalaman dan kebolehlihatan di peringkat antarabangsa perlu dimiliki oleh penyandang. Calon harus mempunyai hubungan yang luas dan reputasi yang baik di peringkat serantau dan antarabangsa.

## 9. Cara memohon

Calon yang berminat hendaklah mengemukakan Surat Permohonan beserta gambar berukuran passport terkini dan *Curriculum Vitae* (CV) yang mengandungi maklumat berikut:

- 9.1 Latar belakang peribadi (termasuk No. Kad Pengenalan), keluarga, alamat surat menyurat, nombor telefon dan emel untuk dihubungi;
  - 9.2 Latar belakang pendidikan dan kerjaya;
  - 9.3 Anugerah dan hadiah yang berprestij yang diterima di peringkat Kebangsaan dan Antarabangsa;
  - 9.4 Sumbangan-sumbangan besar dan bermakna kepada pembangunan Universiti dan Pendidikan Tinggi Negara;
  - 9.5 *Key Performance Indicators* (KPI) dan ringkasan mengenai perancangan sekiranya dilantik sebagai Timbalan Naib Canselor (Akademik dan Antarabangsa) UPSI.
10. Hanya calon yang layak selepas tapisan sahaja akan dipanggil untuk temubual.
11. Sebarang pertanyaan, sila hubungi :

En. Shuhir Karmawi bin Abdul Aziz Timbalan Pendaftar Kanan, Bahagian Governan, Jabatan Pendaftar Universiti Pendidikan Sultan Idris 35900 Tanjong Malim Perak No. Tel : 05-4506351 Email : <a href="mailto:shuhir@upsi.edu.my">shuhir@upsi.edu.my</a>	Puan Mohaieda binti Mat Hussin Penolong Pendaftar Kanan Bahagian Governan, Jabatan Pendaftar Universiti Pendidikan Sultan Idris 35900 Tanjong Malim Perak No. Tel : 05-4506811 Email : <a href="mailto:mohaieda@upsi.edu.my">mohaieda@upsi.edu.my</a>
---	---

12. Permohonan yang lengkap hendaklah dialamatkan kepada :

**PENDAFTAR  
UNIVERSITI PENDIDIKAN SULTAN IDRIS  
35900 TANJONG MALIM  
PERAK DARUL RIDZUAN**

13. Tarikh tutup permohonan ialah pada 25 Ogos 2017 (Jumaat).
14. Proses pemilihan akan dilaksanakan secara terbuka di mana pihak Universiti boleh mencalonkan mana-mana calon yang dirasakan sesuai untuk pertimbangan Jawatankuasa Pemilihan.